

42869.

ii

AUSPICE AC PRAESENTE
DEO OPTIMO MAXIMO,
CONSENTIENTE MAGNIFICO ICTORVM ORDINE,
DE
EXIGVO VSV QVERE-
LAE INOFFICIOSI TE-
STAMENTI IN FORO
PRVTENICO,

PRO GRADU
VTRIVSQVE IVRIS DOCTORIS
RITE OBTINENDO,

DISSERET

SIGISMUNDVS CHRISTO-
PHORVS JESTER,

REGIOMONTE PRVSSVS,
SVPREMARVM REGNI PRVSSIAE CVRIARVM
ADVOCATVS.

AD D. XXVIII. AVGVSTI A. S. R. MDCCXXXVI.
IN AUDITORIO MAXIMO,
HORIS IX - XI, ET II - VI.

REGIOMONTI, LITTERIS REVSNERIANIS,



MAGNIFICI
IN ACADEMIA PATRIA
IVRE·CONSVLTORVM
ORDINIS
DECANO h. s. SPECTABILI,
CETERISQUE ASSESSORIBVS,
DOCTORIBVS AC PROFESSORIBVS CELEBERRIMIS,
VIRIS MAGNIFICIS, IURE·CONSVLTISSIMIS, EX-
CELLENTISSLIMIS, AMPLISSLIMIS,

qui
& singulari in consulendo dexteritate,
& indefessa in docendo alacritate,
& inconcussa in dirimendis litibus aequitate,
officii sui partes ex alse implet,
has

D44958
de querelae inofficiosi testamenti vſa exiguo
meditationes exiguae,
tanquam portionem laboris legibus debiti,
ne circa honores beneuole conferendos
profsus videatur inofficiosus,
mente offert officiosissima,
ſimulque supplementum eius,
quod portioni huic legitimae, & officii sui partibus, deest,
in

TANTORVM VIRORVM
fauore quaerit
EORVNDDEM

cultor nunquam inofficiosus
SIGISMUNDVS CHRISTOPHORVS JESTER.

DE

EXIGVO VSV QVERELAE INOFFICIOSI TESTAMEN- TI IN FORO PRV- TENICO.

IDEA.

Dissertatio praeiens rationem ha-
bet :

1. Verborum in rubro contento-
rum, & quidem :
 1. *testamenti*, eiusque specie-
rum & dissolutionis, §. 1.
 2. *inofficiosi*, §. 2.
 3. *querelae inofficiosi testamen-
ti*, eiusque a *querela nullita-
tis differentiae*, §. 3. 4.
 4. *usus exigui in foro Prutenico*,
§. 5. rationem simul dicen-
dorum adiiciendo ;
- II. Rerum, in potissimos casus ex-
heredationis inquirendo, &
querelam inofficiosi iisdem
sigillatim applicando , ad
ductum Iuris (1) *Civilis an-*
tiqui, (2) *nouissimi*, (3) *Pru-*
tenici, & quidem :
 1. si filius, vel parens, sit *praete-
ritus*, §. 6.

2. si exheredatio eorundem *non
nominativi* facta, §. 7.
3. si ob *nullam caussam aut in-
gratitudinem* facta, §. 8.
4. si non ob *caussam Nouella n.s.
expressam*, §. 9.
5. si *caussa* quidem iusta, sed
testamento non adiecta, §. 10.
6. si quidem adiecta, sed ab *be-
rede probari nequeat*, §. 11.
7. si *frater, praeterito vel exclu-
so fratre, turpem personam
inficiuerit*, §. 12.
8. si *legitima liberis non titulo
institutionis relictia*, §. 13.
9. si exheredatio *in parte legi-
timae* facta, §. 14.
10. si exheredatio *in testamento
imperfecto* facta, §. 15.
11. si exheredatio *a milite fa-
cta*, §. 16.

2 DE EXIGVO VSV QVERELAE INOFFICIOSI

- | | |
|---|---|
| 12. si exheredatio in peculio ca-
strensi, vel quasi, facta, §. 17.
13. si pater matrem, substituen-
do liberis, praeterierit, §. 18.
14. si exheredans exheredato
reconciliatus, §. 19. | 15. si exheredatus voluntatem
exheredantis agnoverit, §. 20.
16. si exheredatio bona mente
facta. §. 21.

Ex praemissis conclusio ducitur,
§. 22. |
|---|---|

§. I.



Estamentum, ex eo appellatum, quod
 testatio mentis sit, pr. I. de testam. ordi-
 nandis, est (ultimae) voluntatis no-
 strae iusta (i. e. iuri consentanea) sen-
 tentia de eo, quod quis post mortem su-
 am fieri vult, definiente Modestino in
 l. 1. n. qui testam. fac. possunt. Hoc
 vti pro varietate circumstantiarum
 varium; ita varias eiusdem quoque in Commentariis le-
 gimus diuisiones, inter quas, missis reliquis, nobis, potis-
 simam tantum notasse, sufficiat, vt quae ad scopum no-
 strum prae ceteris collimare nobis videtur, quando nimi-
 tum testamentum in perfectum & imperfectum dispescitur,
 quorum illud heredis institutionem pro requisito agnoscit
 palmario, & secundum excellentiam vbique fere generali
 testamenti nomine venit; hoc vero nuda legatorum consti-
 tutione & dispositione circa res tantummodo singulares ab-
 soluitur, & paullo curatius codicillus audit. conf. BERNH.
 SCHOTANI Exam. Iurid. P. I & II. ad h. t. n. 1. q. 1 -- 7.
 Pr. QM. P. II. L. 5. T. 10. A. 1. §. 1. fol. 252. Alia vero ratio-
 ne ea quoque testamenta audiunt imperfecta, quae vel ad
 legum normam condita non sunt, vel ex postfacto destru-
 untur,

untur, §. 2. 3. & ss. 1. quibus mod. test. infirmentur, id quod vel ipso iure, vel, praeuia impugnatione, sententia iudicis superueniente, fieri nouimus, quorum illa rursus in (1) iniusta siue nulla in specie sic dicta, (2) rupta, (3) destituta & (4) irrita communiter diuiduntur, t. t. n. de iniusto, rupto, irrito facto testam. & Dd. ad h. t.; in horum vero ceterum inofficiose veniunt.

S. II.

Inofficiose vocabulum a praepositione *in* & *voce officiose*, hoc vero ab *officio*, descendere, & praepositionem illam, vti in aliis loquutionibus, ita & in hac, priuationem inferre, dubio caret omni. P. MÜLLERVS in addit. ad G. A. STRV VII S. I. C. ad §. 1. tit. de inoff. test. lit. (3). Quamuis vero omne id, quod *officium* alteri debitum omittit, vi vocis *inofficium* audiat: ea tamen demum *testamenta* per excellentiam *inofficiose* dicta sunt, quae *officium*, parentibus, liberis & fratribus debitum, negligunt. ARN. VINNIUS Comm. ad. I. h. t. in prooem. Definitur hinc *inofficium* testamentum recte ab HOPPIO in Exam. Inst. Imp. ad tit. de inoff. test. qu. 2, aliisque: quod sit *testamentum*, in quo personae, quibus legitima ex defuncti hereditate debetur, rite quidem, sed inique, sunt exclusae, ad cuius interpretationem, nostro scopo consentaneam, nosse sufficiat, *legitimam* nobis hic regulariter dici portionem portionis ab intestato debitae, vid. ICTI nostratis b. m. IO. ALB. STEPHANI, I. V. D. & P. P. meritisimi, Comp. Iur. tit. de inoff. test. §. 3. lit. (i), quamuis non diffitendum, eandem interdum portionis totius hereditatis appellatione dignam, imo saepenumero *integrarum* hereditatem proximo consanguineo defuncti ab intestato competentem hoc nomine insigniendam esse, vti hoc bene monet Vir de aca-

4 DE EXIGVO VSV QVERELAE INOFFICIOSI

demia nostra quondam optime meritus DAV. STAVINSKI,
J.V.D. & P.P. in Diss. de legit. Iur. Prut. hic A. 1713. hab. §. 2.
Personae vero, quibus legitima ex defuncti hereditate debetur,
communiter recensentur tres: (1) liberi, (2) parentes &
(3) fratres atque sorores, licet ultimi in quibusdam casibus
limitationibus sint obnoxii, de quo inferius pluribus age-
mus. Flagitabat enim necessitas, ut eiusmodi personae
in testamentis regulariter heredes scriberentur, praeprimis
temporibus Romanorum antiquis, cum testamenti factio
comitialis adhuc vigeret, pr. I. de test. ordinandis, & Res-
publica eo maxime omnes intenderet nervos, ut familiarum
utrobique, quantum possibile, conseruaretur splendor, de
quibus temporibus admodum probabile exinde euadit, per-
sonas antea recensitas, imo & reliquas, testatori, vel san-
guine, vel affinitate, iunctas, sine graui & a populo pro-
bata causa, ab iisdem non potuisse ab hereditate repelliri.
Ast cum verbis legis duodecim tabularum his: VTI LEGASSIT
SVAE REI, ITA IVS ESTO, latissima potestas tributa videre-
tur, & heredes instituendi, & legata & libertates dandi, re-
ferente Pomponio in l. 120. π. de Verb. significatione, euenit,
ut illimitatam quoque sibi sumerent potestatem Romani,
personas, arctissimo sanguinis vinculo connexas, pro lubi-
tu heredes in bonis suis vel admittendi, vel etiam ab here-
ditate excludendi, quod ultimum dupli via, vel exheredan-
do, vel etiam omitendo siue praeterreundo, factum esse, le-
gimus. pr. I. de inoff. test. Hac vero licentia cum Romani
abuti deprehenderentur, coepit quoque irrestricta illa po-
testas, dicta lege indulta, vel interpretatione legum, vel au-
toritate iura constituentium, coangustari, docente eodem Pom-
ponio in d. l. 120. de V. S., licet non negligerent ii, quibus pu-
blicae

TESTAMENTI IN FORO PRVTENICO.

5

blicae rei cura erat concredata, conseruanda LL. XII.
Tabb. auctoritati sollicite studere, &, per obliquum, non
iuris, sed aequitatis, remedio testantium improbitatem coér-
cendo, ciuibus libertatis studiosissimis fucum facere. Vo-
cabatur hinc testamentum, iniquam exheredationem con-
tinens, non *iniustum* aut *nullum*, cum forma Iure Ciuli
praescripta in eodem non erat neglecta, sed *inofficium*,
quod officio pietatis contrariari cerneretur. Manebant
quoque eo tempore, ne libertatis Romanae idolum sic vno
ictu corrueret, casus, quibus iusta, quibus iniusta, exhe-
redatio dicenda esset, indeterminati, donec tandem sacra-
tissimus Imperator Iustinianus & exheredandi iniquitatem
vno ictu amputaret, & exheredationis certam formam scri-
beret, *Nou. 115. cap. 3. & 4.*, qua neglecta, liberi vel paren-
tes (circa fratres dispositione priori permanente) non rite
exclusi dicebantur, hincque querela nullitatis testamentum
tanquam *nullum* siue *iniustum* infringere poterant; iis vero,
qui, seruato hoc iuris ordine, ast *inique*, fuissent *exclusi*,
querela *inofficiorum* testamenti succurrebatur. *conf. ICTi post fa-
ta adhuc superstitis PHIL. RICHARD. SCHRÖDERI, IV.D.
& P.P. in hac Albertina dignissimi, origines praecipuarum Iuris
Ciuilis materiarum. Obs. XLI. §. 1.*

§. III.

Est ergo querela *inofficiorum* testamenti *actio realis*, qua
ille, cui legitima debetur, rite quidem, sed *inique*, *exclusus*, pe-
tit, ut testamentum rescindatur, & ipse ab intestato succedat.
IOACH. HOPPIVS l. c. qu. 3. Appellatur communiter
querela, quoniam primario in favorem liberorum, & qui-
dem hoc colore, quasi sanae mentis non fuerint parentes,
dum hoc ordinarent testamentum, introducta, *pr. I. h. t.*

A 3

facili-

6 DE EXIGVO VSV QVERELAE INOFFICIOSI

facilius autem liberis de facto parentum conqueri liceat, quam accusare. l. ii. §. i. π. de accus. & inscript. conf. MÜL-
LERVS ad STRVVIVM l. c. Actionem eandem nominamus,
quoniam ius est persequendi in iudicio id, quod alicui debetur,
pr. I. de actionibus, cui non est contrarium, eandem saepe-
numero exceptionis vice fungi, si nimis exheredatus in
possessione hereditatis sit, & heres scriptus eandem petat,
IAC. FRID. LVDOVICI Doctr. π. h. t. §. 2, cum notissimi
iuris sit, reum excipiendo actorem fieri. Praedicatum
vero simul realis actionis eidem iungimus, cum actio no-
stra in illarum numerum referenda sit, quae ex specie qua-
dam iuris in re, puta iure hereditario ex causa intestati per-
sonis antea recensitis competente, origine trahunt. Sed
cum porro singularium actionum differentia specifica (1) in
personis eandem instituentibus, (2) in iis, aduersus quos com-
petit, & (3) in eo, ad quod tendit, potissimum lateat;
et re erit, tria haec & circa nostram actionem breui per-
stringere. Primo ergo personas, quae actione hac vti possunt,
quod concernit, definitio allata illas adducit, quibus debe-
tur legitima, qui cum antea breuibus iam indicati sint,
(§. 2.) hic tantum notasse adhuc restat, non nisi seruato
successionis ordine quemquam ad hanc actionem admitti,
& sic adscendentes a descendantibus, collaterales vero ab
descendantibus, excludi, nisi hi cum illis in succedendo
coniungantur. Nec aliis remedium hoc admodum durum
& subsidiarium concedi volunt LL, nisi qui nullo alio iure
ad defuncti bona venire possunt, §. 2. l. h. t. cum, quoad
fieri potest, existimationi testantium parcendum sit, nec ex-
traordinaria tribui soleant ei, qui communi auxilio muni-
tus est. l. 16. pr. π. de minor. 25 annis. Iam cui legitima

TESTAMENTI IN FORO PRVTENICO.

7

ne rite quidem, vel neglectis requisitis, ad exheredationem a legibus ciuilibus praecriptis, ademta est, querela nullitatis se tueri potest, (§. 2.) ergo ad inofficiosi iudicium nulla ratione pertinebit. Haec adeoque fuit ratio, quare definitioni nostrae haec expresse inserta clausula, nullum alium, nisi rite quidem, sed inique, exclusum, in horum numero comprehendendi, quibus, testamentum infringentibus, inofficiosi querela cautum est. *conf. ARN. VINNIUS l.c. ad §. 2. n. 1.* Ecquid vero nosse iuuat, quis actor legis huius medio comprehensus sit, nisi & secundo is nobis ex iure notus euadat, contra quem haec instituenda erit actio? Fiet hoc, vbi legem inspexeris s. §. 2. & l. 31. §. 1. π. h. t. ex quibus patet, hac actione perstringi heredem quemcunque in testamento designatum, & hereditatem adeuntem, cum ante aditam hereditatem nec nascatur querela, l. 8. §. 10. h. t. imo & quemlibet, ex testamento hereditatem pro herede aut possessore tenentem, l. 1. C. h. t. nec non heredi succendentem aut heredis locum sustinentem, quorsum etiam pertinet fiscus, si bona vacantia occupauerit. l. 10. C. h. t. Tandem tertio nec id, quod hac actione petitur, in definitione allata omittitur, sed duo adducuntur, quae querela nostra intendit: alterum, testamenti rescissio; alterum, successio ab intestato, quo ipso simul ab illorum statim partibus, qui existimant, actionem hanc non esse separatum remedium a petitione hereditatis, STEPHANI l.c. §. 1. lit. (e), non tamen quoad primum diffitemur, testamentum eiusmodi Iure Nouellarum & Prutenico, in adscendentibus & descendebus, tantum quoad heredis institutionem eueri, ceteris testamenti partibus saluis manentibus. *vid STRVII S. I. C. Exerc. 10. th. 22. 23. SAM. STRYCKII Vsus modern.*

3 DE EXIGVO VSV QVERELAE INOFFICIOSI

π. h. t. §. 6. Pr. ΛR. P. II. L. 5. T. 5. A. 1. §. 9. fol. 233. verb.
Allein was außerhalb der Erb-Satzung ic.
§. IV.

Ex dictis facile appareat, quam insignis querelam inter nullitatis & inofficiosi intercedat differentia. Vt enim quoad theoriam in illa personae adsunt ab hac prorsus diversae actionem instituentes, & aliud quoque fundatum actionis; (§. 1. 2. 3.) ita, nec quoad praxin in reliquis passibus rem aliter se habere, vbiuis edocemur, puta: (1) querela nullitatis instituta, quamvis causa ceciderit actor, non tamen eidem reliqua denegari beneficia ex testamento competentia, l. s. pr. & §. 1. π. de his, quae ut indign. auferuntur: inofficio autem dicto testamento, omnia simul cum eodem connexa cessare emolumenta, l. c.; (2) querelam nullitatis semper ad heredes transmitti: non autem inofficiosi querelam, nisi praeparatam, l. 6. §. fin. π. de inoff. test. exceptis casibus l. 36. §. fin. C. eod. comprehensis; (3) querelae nullitatis, tanquam remedio ciuili ordinario, non nisi 30. annis praescribi: querelae autem inofficiosi quinquennio, l. 34. in fin. C. eod. ab adita hereditate, secundum Ius Ciuitatis, cit. l. 36., a tempore vero adeptae scientiae, iuxta Ius nostrum Prutenicum P. II. L. 3. T. 4. A. 3. §. 4. fol. 45, computando, quas differentias nec in Prussia nostra esse abrogatas, firmiter asserimus, quicquid etiam Vir Doctissimus, DAV. STAVINSKI, in Diff. de exhered. Iur. Prut. hic A. 1714. hab. §. 61. 62, ut & de legitima Iur. Prut. §. 47. 48, de differentia nulla has inter querelas apud nos statuenda, conieaturis licet, secundum propriam confessionem, tantum nifus, adferat, in primis, cum potissimo dubio, ab eodem, a silentio Iuris Prutenici circa praecriptionem querelae nulli-

nullitatis, moto, iam satis superque obuiam eat §. fin. editi promulg. Iuri nostro nouiss. praemissa.

§. V.

Quae cum ita se habeant, tantum abest, ut hisce eruditissimis meditationibus *Viri Excellent.* simpliciter subscribamus, vt potius & quoad alteram opinionem, ab eodem quamvis itidem in dubio relictam & verisimiliter tantum ventilatam, §. cit. 62. *Diff. de exher. Iur. Prut.* priori vero viam sternentem, de querela inofficiosi Iustiniani temporibus vel plane iam sublata, vel ad minimum quoad esse. Etum a querela nullitatis non diuersa, & sic pari ratione ad nostra quoque tempora deriuata, ab eodem modeste diuorum facere audeamus, &c, cum materia haec sua se dignitate commendet, Iustiniani non minus, ac nostris, temporibus non quidem omnem prorsus usum querelae huius inofficiosi testamenti denegare, admodum tamen exiguum & casus valde raros dari, in quibus haec querela re vera & cum effectu intentanda sit, cum plurimorum, in primis recentiorum, Commentatorum cohorte, afferere conemur, in quo labore ita versari constituimus, ut casus exhereditationis potissimos sigillatim perstringere, & circa singulos examen instituere velimus, utrum iisdem feliciori successu nullitatis, an vero inofficiosi querela, an alia quaedam, imo plane nulla, actio applicanda sit, & quidem (1) secundum normam Iuris Civilis antiqui, (2) praecunte Iuris Civilis nouissimi sanctione, (3) accedente dispositione Legislato-ris nostri Prutenici Serenissimi, cum turpe sit caussas oranti, ius, in quo versatur, patrum ignorare, l. 2. §. 43. π. de Orig. Iuris, missa de cetero obseruantia, vel in iuris corpore non stabilita, vel eidem forte prorsus contraria, cum, circa

forum occupati Prutenicum, non nisi de legibus scriptis in eodem receptis simus solliciti; erubescendum enim est I Cto, agere aut loqui sine lege, *Nou. 18. cap. 5.*

§. VI.

Legis ergo huius, quam paullo ante nobismetipſis scripsimus, probe memores, primordia capiamus a casu (I) si filius vel parens in testamento fuerit praeteritus. De iure quidem Ciuiti antiquo, π. puta & c., nullum prostat dubium, quoad testamenta adſcendentium lineae maternae, ut & liberorum, ratione eorundem adſcendentium, imo & collateralium, inter praeteritionem & exhereditationem nihil interfuisse, §. fin. I. de exher. liber. l. 14. π. de inoff. test. ARN. VINNIVS Comm. ad I. h. t. §. 1. n. 2, adeoque ea ceteris paribus inofficioſi querela infringi potuisse; aliud vero diſcendum fuſſe de liberis ab adſcendentibus lineae paternae praeteritis, ſiue fuerint ſui, ſiue emancipati, ſiue poſthumi, cum illi testamentum ipſo iure nullum dicant, l. 1. h. 17. π. de iniuſto, rupto, irr. facto testamento; iſti, bonorum poſſeffione contra tabb. adepta, reſcindant, l. 1. §. 6. π. de bonor. poſſ. contra tabulas; hi agnatione rumpant. §. 1. I. de exher. liber. Aſt pluribus obnoxium eſt altercationibus ius Ciuite nouiſſimum, in Nouellis conditum, circa hanc materiam. Ius antiquum hoc in paſſu non fuſſe immutatum, acriter tuentur G. A. STRVVIVS S. I. C. Ex. 10. th. 16. ARN. VINNIVS l. c. pr. n. 4. & 5, alioque. Sed, ſalua tantorum viroſum auctoritate, facimus hic cum SAM. STRYCKIO Vſ. π. mod. h. t. §. 2. & IAC. FR. LVDOVICI Doctr. π. h. t. §. 10. n. (r) tale testamentum, in quo filius vel parens eſt praeteritus, querela nullitatis euertendum eſſe, cenſenti- bus. Certam enim exheredandi formam ab Imp. Iustiniano

in Nou. 115. cap. 3. 4. esse praescriptam, ipsis verbis hac *Nouella* contentis extra omnem controuersiam positum esse credimus. Hac vero neglecta, testamentum nullitate laborare, ex l. 1. n. de iniusto, rupto, irrito f. test. & l. 5. C. de LL. constat. Atqui praedicta *Nouella* expressis disponit verbis, *causas ingratitudinis testamento inserendas esse*. Quomodo vero hoc fieri possit, vbi filius filiae fuerint praeteriti, cuiusuis relinquimus iudicio. Manet ergo testamentum nullum de Iure *Nouellarum*, vbi is, qui heres esset scribendus, fuerit praeteritus. Idem de Iure nostro *Prutenico* censendum esse, extra omnem ponit dubitationem Pr. LDR. P. II. L. 5. T. 5. A. 1. §. 1. fol. 230, verbis admodum claris: und ist nicht genug, dass solche Enterbung stillschweigend übergangen werde, und keine Meldung davon geschehe. Denn, so der Testirer jemand aus obberührten Personen stillschweigend übergehet, ist sein vermeint Testament wichtig, imo maius adhuc pondus in verbis proxime sequentibus addit, eiusmodi testamentum hoo in passu ipsa sua futilitate corruere sanciens, disponendo: Und obgleich der enterbte Sohn, Tochter, Enkel, oder eine andere Person absteigender Linie, vor dem Testirer stirbe, noch könnte oder möchte ein solch aufgerichtet Testament, darin solche sui & necessarii, der Noth-Erben einer, stillschweigend praeteriret und übergangen worden wäre, soviel die Erb-Säzung und Institution berührt, keinen Effect und Wirkung haben. Es seynd auch die Erben, so darin gesetzt und geschrieben, der Institution oder Erbsäzung nicht fähig, und wird in diesem Fall anders nicht geachtet, als ob gar kein Erbe instituiret, gesetzt und benannt worden wäre,

quid? quod hic casus in illorum numerum referatur, qui testamentum propria testatoris voluntate infringunt, quia hic quasi cum lege contraxisse censendus, se testamentum condere velle, quod quoad heredis institutionem omni prorsus destituantur valore. vid. Pr. LR. l. c. T. 6. A. 1. rubr. coll. § 7. fol. 230. verbis: Wie dann auch, wann der Testierer eines oder mehr seiner Kinder oder Kindes-Kinder; also auch entgegen seinen Vater, Mutter oder andre Eltern in seinem Testamente übergangen und praeteriret hätte.

§. VII.

Eiusdem farinae testamentum esse existimo, in quo (II) exhereditatio non nominatim facta est, id est, vbi testator non verbis expressis & dispositiuis, sed dubitatiuis, conditionatis aut imprecatiuis solummodo, nec ab omnibus institutionum & substitutionum gradibus, sed generatim tantum, exheredes scripsit eos, quos ab hereditate sua penitus arceri voluit, nec sola praeteritione hoc expedire potuit. (§. 6) Quodsi enim testator exheredationem hanc ratione adornasset, vt ne quidem constiterit, de quoniam exheredando testator in suo testamento loquutus fuerit, aut quoisque exhereditatio secundum eiusdem mentem extendenda sit; *Ius Civile antiquum* iam, prout ipsa natura negotii id requirebat, tale testamentum tanquam prorsus inutile reiiciebat, & nullitate laborare pronunciabat, pr. & §. 1. I. de exher. lib. l. 1. 2. & 3. II. de lib. & posth. her. inst. vel exheredandis, adeoque & huius, non inofficiosi, querela euentendum credebat, STRVV. S. I. C. l. c. §. 15, quod cum nullibi *Iure Nouell.* mutatum legimus, quin potius in dubio magis ad restringendas, quam extendendas, exhereditatio-

nes

nes procedi deprehendimus, nec quoad hoc aliter sentire possumus, cui etiam assentitur *Ius nostrum Prutenicum l. c. A. 1. §. 1. fol. 230*, verbis: Wo aber jemand einen oder mehr darunter zu enterben gedachte: da soll er solche Enterbung (Exheredation) mit benannten ausgedruckten Worten lauter bemelden und anzeigen, *illegitima* pronuntians huiusmodi exheredationis formam, cuius re-scissioni adeoque querelam nullitatis & apud nos esse dicatam, prona fuit consequentia. (*§. 1. 2. 4.*) conf. MÜLLE-RVS ad STRVVIVM *l. c. §. 2. lit. (a)* Plura huc facien-tia legere volupe est apud *Dn. STAVINSKI all. Diff. de exher. Iur. Prut. §. 20--25.*

S. VIII.

Huic exheredationi adfinis est (III.) illa, quae ob nullam caussam aut ingratitudinem facta. Quamuis enim *Iure Civili antiquo* nulla ratione diffitendum sit, eandem ad exheredationis essentiam & validitatem non equidem requiri, quod vel exinde colligi facile poterit, quod exheredatio & ad infantes, imo posthumos, extendi potuerit, *§. 1. & 2. 1. de exher. liberorum*, in hos vero ingratitudinem ullam cadere posse, contra omnem pugnet rationem, quin potius omnes uno confiteantur ore, personas exheredatas quascunque exheredationem, & sine causa factam, tamen non aliter, nisi *inofficio* iudicio, euellere, & circa hoc probare debuisse, se immerentes, & ideo indigne, practeritos, vel etiam exheredatione submotos esse, *l. s. §. 1. n. de inoff testamento*: coepit tamen *Iure Nouellarum* & hoc ad formam exheredationis parentum liberorumue referri, ut eadem non nisi *ex iusta causa* irrogetur. Non equidem nos fu-

git, Viros non infimae auctoritatis aliter existimasse, probare conantes variis, iisque non leuissimi ponderis, argumentis, nec quoad hunc passum *Ius n.* in *Nouellis* fuisse immutatum, sed & eiusmodi testamentum, absque illa caussa dictos heredes excludens, non nisi *inofficiosi* querela impugnandum esse, quos inter agmen dicit ARN. VINNIUS *l. c. ad pr. n. 3. & ad §. 2. n. 3.*, cui adhaerere VLR. HVBERVM in *praelect. ad Inst. tit. de exher. lib. n. 14. circa finem*, ut & Virum quondam apud nos maxime conspicuum IO. STEIN, *I. V. D. & Prof. Prim. supremi Trib. Consiliarium, cetera, in Thes. Lauterbachian. Disp. 9. Th. 2.* obseruamus. Sed lubet hac vice maiorem Commentatorum sectari partem, quia eorundem opinionem ipsis *Nou. 115. c. 3.* verbis suffultam cernimus. Pronam enim censemus consequentiam: ea, quae formam rei constituant, si fuerint omissa, rem reddere nullam, cum forma det esse rei, & ea, quae lege fieri prohibentur, si fuerint facta, non solum sint inutilia, sed pro infectis etiam habentur. *l. s. C. de LL.* Atqui *praedicta Nouella expressis sanctis verbis*: non licere penitus patri vel matri, aut auo vel auiae, proauo vel proauiae, suum filium vel filiam, vel ceteros liberos, praeterire aut exheredes in suo facere testamento, nisi forsan probabantur ingrati, & e contrario de liberorum testamentis haec eadem disponuntur in *d. Nou. c. 4.* nihil ergo euidentius, quam testamentum, forma destitutum, querela quoque nullitatis infringi, nec temere ad *inofficiosi* querelam prosiliri debere, vbi in fauorem miserorum pinguiori remedio uti licet. *§. 2. l. de inoff. test.* Quid itaque opus est ulterius verbis & longe quaesitis argumentationibus, vbi rerum adsunt testimonia? Consentientes nobiscum hac in parte laudamus CASP. MANZIVM in *Comm. Rat. Regul. ad Inst. tit.*

tit. de inoff. test. pr. n. 8. 9. 10. MATTH. WESENBECKVM
ad d. t. π. n. 7. HENR. HAHNIVM in Observat. Theor.
Pract. ad eund. d. t. & n. vna cum BACHOVIO ab hoc al-
legato, vt & I. F. LVDOVICI Doctr. π. l.c. & D. STA-
VINSKI all. Diff. de exher. Iur. Prut. §. 26. Ius denique no-
strum Prutenicum nec hoc in passu recedit a Iure Civili no-
uisimo, quando l.c. A. 1. S. 2. fol. 231. inter alia idem quo-
que disponit, nec pro rite facta agnoscit exheredationem
illam, quae sine caussa sit, verbis: Sie zeigten dann die
Ursachen solcher Exheredation und Unterburg ic. lau-
ter an, & testamentum eiusmodi nullitatis arguit T. 6.
A. 1. S. 7. fol. 236, verb. oder aber ohne Ursache unter-
bet hätte.

§. IX.

Ex dictis facile patet, quid porro (IV.) sentiendum
sit de exheredatione illa, quae quidem ob caussam, sed Nou.
iis. non probatam, facta fuerit. Cum enim secundum Ius
Romanum antiquum testamentum, aliquem nulla prorsus ex
causa exheredans, tamen valorem priorem retinebat,
nisi inofficio iudicio experiri voluerit is, qui tali ratione
ab hereditate fuisse exclusus (§. 8.): facilis a minori ad
maius procedit argumentatio, idem de praesenti dicendum
esse casu, praeprimis cum iis temporibus caussas, ex quibus
ingrati liberi & tunc, actione praedicta in iudicium dedu-
cta, debebant iudicari, in diuersis legibus dispersas & non aper-
te declaratas innenerit Imp. Iustinianus, prout loquitur in
d. Nou. c. 3. pr. iino per se fuerit impossibile, tunc iam ad
causas recurrere, postea demum in Nouellis traditas, hac-
tenus vero incognitas, cum normatum sua natura ante
nor-

normam exsistere nequeat. *Iure vero Nouellarum eidem nos adhuc addicere sententiae quoad hunc casum, quam quidem quoad antecedentem, (§. 8.) identitas rationis suadet, cum, & hoc ad formam testamenti legitimi d. Nou. &c. cap.* requiri, verba eiusdem expresa ostendant : *ut praeter ipsas nulli liceat, ex alia lege ingratitudinis caussas opponere.* nisi quae in huius constitutionis serie continentur. conf. *Auctores §. praeced. alleg.* Idem denique *Ius nostrum patrum l. c. T. s. A. 1. §. 2. fol. 231.* expressis, circa caussas ab eodem allegatas, (quae mutatis mutandis in plurimis passibus cum constitutione praedictae Nouellae conueniunt, conf. Dn. STAVINSKI *Diss. de exher. Iur. Prut. §. 27 -- 57.*) iubet verbis: Und damit nun berührter Ursachen der Entfernung halber nicht geirret werde, sollen NB. die nachzehlten hierinnen in acht genommen, und darnach in unsren Ober- und Unter-Gerichten erkannt und gesprochen werden, coll. *T. 6. A. 1. §. cit. 7.* verb. oder aber ohne NB. rechtmaßige gnugsame Ursache enthebet hätte.

S. X.

Nec sic tamen formam Iure nouo praescriptam penitus exhaustam credas. Restat ad ductum eiusdem adhuc (V.) *ut caussa exhereditationis iusta testamento adiiciatur.* *Ius* equidem *antiquum* de hoc non minus, ac prioribus requisitis, penitus silet, adeoque, siue caussa testamento adiecta fuerit, siue non, heredi non nisi duro variisque difficultibus obnoxio querelae *inofficiosi* remedio, secundum vnam mem omnium Dd. opinionem, consultum vult: ast *Iure nouo*, exhereditationis caussa nominatim non inserta, nullam & vitiosam exsistere exhereditationem, nec ad destructio-

nem

nem sui inofficiosi iudicio necesse habere, alii iterum affirmant, alii negant. Ast licet rursus ultimam amplectantur sententiam ARN. VINNIUS & VLR. HVBERVS *u. supra* citt. (§. 8.), priorem tamen iterum cum BACHOVIO, WESENBECIO, HAHNIO & reliquis ibid. (§. 8.) allegatis, *u. citt.* tuemur opinionem ob eundem argumentationis nexum & verba d. *Nou.* iterum sat clara, c. 3. pr. & ipsas nominatim ingratitudinis caussas parentes suo inservuerint testamento, & §. 14. in fin: siue igitur omnes memoratas ingratitudinis caussas, siue certas ex his, siue unam quamlibet, parentes in testamento suo inservuerint, — — — testamentum suum habere firmitatem, decernimus. Si autem haec obseruata non fuerint, nullum exheredatis liberis praeiudicium generari, sed, quantum ad institutionem heredum pertinet, testamento enacuato, ad parentum hereditatem liberos tanquam ab intestato ex aequa parte peruenire, vt & c. 4. §. 9, vbi fere eadem quo ad parentes exheredatos deprehenduntur verba, quod adeo verum esse dicit IO. BRVNNEMANNVS, vt ne quidem sufficiat, etiamsi heres institutus caussam quandam ex numero eorundem, quae d. *Nou.* continentur, sed testamento specifice non adiectam, exheredato probare vult, prouti hoc praeiudicato stabiliuit *Decisionum Cent. V. Dec. 44. conf.* CASP. MANZIVS l.c. §. 1. n. 6. Nec ab ea sanctione hac in parte *Ius Prutenicum* abludere videmus, quin potius itidem dispositiones & circa hoc punctum in eodem iacent apertae, & quidem altera P. & L. all. T. s. A. 1. §. 2. fol. 231: Sie zeigten denn die Ursachen solcher Exheredation und Enterbung mit ausgedruckten Worten in ihren Testamenten und letzten Willen lauter an;

altera pariter all. Tit. & A. §. 9. fol. 233: so sollen und müssen sie doch in dem Testament und letzten Willen ausgedrückt und gesetzt werden.

§. XI.

Tandem casus circa exheredationem parentum liberorum se nobis offert, qui Viros acutissimos torsit, & ad hunc usque diem nouis semper litibus inter eruditos ansam praebuit, puta (VI.) si, requisitis antecedentibus omnibus obseruatis, causa tamen ab herede scripto probari negat. Quoad ius equidem antiquum, si non apud omnes, certe apud plurimos, in confessio est, heredem adscendentis vel descendenteris lineae exheredatum, de inofficio querelam contra testamentum mouentem, probationem praestare debuisse, se exheredationem non meruisse, sed vel obsequium debitum iugiter, prout ipsius naturae religio flagitat, parentibus adhibuisse, vel vice versa filium nulla ex iusta causa laesum parentes in nouissima laesisse voluntate, nisi contrarii probationem heres scriptus lubens in se suscepit, l. s. §. 1. π. de inoff. test. l. 28. C. codem, conf. SAM. STRYCK Vf. Mod. π. l. c. §. 13., vnde simul legibus conformis fluit consequentia, tali ratione, nimurum ubi causa ab herede scripto probari non potuerit, illo tempore inofficii actionem non fuisse extinctam, aut illi nullitatis querelam surrogatam. Aliud vero secundum Nouellarum sanctiones dicendum. Evidem nos non latet, communem Dd. opinionem eo tendere, hunc unicum circa exheredationem adscendentium & descendenterum restare casum, qui a temporibus Iustiniani ad nostra usque tem-

tempora ad inofficiosi querelam pertinuerit. *conf. STRVV.*
S. I. C. l. c. §. 14. 15. 17. LVDOVICI Doctr. π. l. c. §. 11.
STRYCK Vf. Mod. π. l. c. §. 4. Verum supponamus.
quod, si alio iure quis impugnare testamentum possit, in-
officiosi querela non sit admittenda. (§. 3.) Supponamus
porro, inofficiosi querelam cessare, vbi quis non rite fu-
erit exclusus, sed eidem pinguiori succurri remedio, pu-
ta nullitatis. (§. 3. 4.) Supponamus tandem, de iure no-
vo omnem exheredationem parentum liberorumque, in qua
forma *Nou. 115.* praescripta non fuerit obseruata, sine du-
bio, tanquam non rite factam, corrue, prout loquun-
tur expressa d. *Nou.* verba antea (§. 10.) recensita, quae
supposita omnia ex ipsis visceribus argumentationis a *su-*
pra laud. STRYCKIO tract. de act. forens. inuestig. & cau-
te elig. Sect. II. Membr. 3. §. 19. ductae depromsimus. Iam
filium huius ratiocinii vltierius ducentes, ex iisdem verbis
d. *Nou.* euincimus, & probationem ab herede suscipien-
dam ad formam exheredationis ibidem praescriptae perti-
nere, cum verba ad casum paullo antecedentem (§. 10.)
pertinentia cum praesenti arctissimo copulae: *ET* vinculo
coniungantur, verbis: *ET* scripti heredes nominatam vel no-
minatas causas, vel unam ex his, veram esse monstrauerint,
tum demum, & non aliter, testamentum suam habere fir-
mitatem, decernimus. His ergo rationibus facile inducimur,
vt ex superioribus praemissis concludamus, testamentum
neglecta quoque hac formae parte, nullum esse, in quo
adhuc nobiscum consentientes habemus S. STRYCKIVM
in all. tract. §. cit. & *DA STAVINSKI Diff. de exher. Iur.*
Prut. §. 58. ut & *HOPPIVM Exam. Inst. Imp. tit. de exher.*

lib. qd. 16. n. (3). Qui ergo fit , his non obstantibus ,
primum tamen tract. all. §. 20. & Vf. mod. l. c. statuere ,
quod hoc in casu querela inofficiosi in subsidium vocanda
sit ; secundum vero idem quidem in Diff. de legit. Iur. Prut.
§. 44 , ast hic §. 62. defendere , plane a Iustiniano subla-
tam esse inofficiosi querelam , eidemque querelae nullita-
tis effectum tributum ? Sane , neutrum horum , nisi euer-
sis prioribus fundamentatis omnibus , statui defendique pos-
se , credimus . Nec enim obstat dubium a STRYCKIO Vf.
mod. & l. c. motum , caussae probationem non ingredi testa-
mentum , sed subsequi iam conditum ; defectum adeoque
eius , quod partem testamenti non facit , illud nullum red-
dere nulla ratione posse . Nam , ne dicamus , verba prio-
ra ex STRYCKII tractatu allegata his e diametro esse ad-
uersa , negamus , caussae probationem non ingredi testa-
mentum . Ecquid enim testamentum est aliud , quam iu-
sta sententia , de eo , quod quis post mortem fieri vult ?
(§. 1.) Atqui sententia eiusmodi exhereditationis caussae
superstructa , quae ab herede probari nequit , per se &
sua natura est iniusta secundum antecedentia deducta ; nec
ignotum erit ex primis argumentandi regulis , quod , qui
vult finem , velit etiam media ad finem ducentia , necesse
sit , aut qui vult consequens , velit etiam antecedens .
Iam testator , qui heredem de facti probatione vel in te-
stamento , vel tamen extra illud , instruere ipsique argu-
menta ad hoc facientia facillimo suppeditare potest nego-
tio , illud negligens , non vult efficaciter , non vult iuste ,
ad eoque nullitatis querelae ipse in proprio testamento , ne-
cessariis requisitis destituto , viam sternit . Vides ergo ,
non

non adeo absonam & hoc in casu nullitatis esse querelam, cum vel ab ipso STRYCKIO all. tract. §. 21. doceatur, & hoc in casu potius ad impugnationem ex capite nullitatis configiendum esse. Nobiscum hoc in passu faciunt SCHRÖDERVS nostras all. tract. & Obs. §. vlt. & Ill. THOMASIVS in not. ad Inst. & π. h. t. Aequae infirmis opinio altera nititur fulcris. Tantum enim abest, argumenta ab ipso auctore pro verisimilibus tantum venditata probabilitatis vel ullam speciem prä se ferre, vt potius exheredatio inter collaterales procedens siccо prorsus pede praeterita sit, cui tamen prä reliquis casibus omnibus optime inofficiosi querelam accommodandam esse, statim docebimus, dummodo adhuc circa präsentem casum *Ius nostrum Prutenicum* examinauerimus. Hoc quod concernit, nec quoad hunc passum *Ius Ciuale nouissimum* deserit, quin potius idem verbis, nisi adhuc clarioribus, certe ad minimum aequae claris, iubet: Es sollen und müssen die oberzehlte Ursachen, da die enterbte Person derselben nicht geständig, durch die andere eingesetzte Erben, oder andere, so solches angehen und belangen möchte, genügsamlich probiret und erwiesen werden. Sollte aber die einverleibte oder sonst nach ihrer Gelegenheit angezogene Ursache unerwiesen bleiben: Ist nicht allein die Exheredation und Enterbung, sondern auch die ganze Erb-Satzung, tota scil. institutio hereditum in testamento facta, unsichtig und nichtig, P. II. L. 5. T. 5. A. 1. §. 9. fol. 233, quibus verbis priorem nostram sententiam quoad omnia puncta firmiter stabiliri, adeo verum est, vt ipsum STRYCKIVM idem de foris no-

Stris Prutenicis sentire, ex contextu §. 4. l. c. Vs. Mod. fere colligere nobis liceat.

§. XII.

Sed & hanc mittamus litem, & ad aliud exhereditationis progrediamur exemplum, illud itidem more solito perstringendo, nimirum (VII.) si frater, praeterito fratre, turpem personam instituerit, & aliam hic omnino rifiaciem deprehendere nobis licebit. Docuimus in antecessum, triplicis generis esse personas ad inofficii querelam admittendas: (1) liberos, (2) parentes, (3) fratres & sorores. (§. 2. 3.) Casus haec tenus examinati quoad maximam partem priora duo genera adfecerunt, iam ergo de tertio quaedam adiicienda erunt. Et *Iure* quidem *Civili antiquo* fratres & sorores, turpibus personis scriptis heredibus, testamentum dicere poterant in officium, §. 1. I. de inoff. testamento, siue hi solummodo praeteriti, siue nominatim exhereditati fuerint, imo aliter eiusmodi testamentum validitate priuare non poterant, licet causa exhereditationis vel nulla, vel non magna, vel testamento ad minimum adiecta non fuerit, aut ab herede probari non posset. Cum enim haec requisita circa ascendentates solummodo desiderentur, idem collateralibus absque expresso legis praesidio applicari nullatenus poterit. Nulli alii his sub conditionibus vero competebat fratri sororiue hocce actionis remedium, nisi consanguineis & germanis, exceptis solummodo veterinis. l. 27. C. de inoff. test. Quamuis enim celebris quidam Belga, IEAN van de WATER, in Obs. Iur. Rom. Lib. 1. cap. 12. a communi hoc

hoc in passu recedat sententia, germanis prae reliquis sine limitatione, turpisne an honesta persona in locum eorum suffecta fuerit, idem cum adscendentibus & descendantibus irrestricatum tribuat ius, recte tamen eundem notatum legimus a Doct^riss^r. SCHRÖDERO nostro Obs. all. §. 2. Nec alius frater per sonam turpem inofficiose institutam dicet, nisi ipse ab eadem macula liber sit, arg. l. II. C. d. t. & probationem, se absque merito exheredatum, in se suscepit. arg. l. s. §. 1. n. de inoff. test. (§. II.) Haec de Iure antiquo. Ast *Ius Nouellarum* qua ratione hanc exhereditationis causam mutauerit, plurium inter eruditos disceptationum materia fuit, aliis huic casui querelam inofficiosi saluam adhuc reseruantibus, aliis eandem prorsus denegantibus. Sed prima magis verbis & sententiae legum consentanea esse videtur. Nullibi enim priora mutata legimus, nisi quod in *Nou. 22. cap. 47.* tres adiectae ingratitudinis caussae, ob quas excludi poterunt fratres, etiam si turpis persona est instituta, sc. (1) si mortem voluit fratri, aut (2) criminalem inducere contra eum inscriptionem, aut (3) substantiae ei properauit inferre iacturam, quas in casu non adesse, si quidem probauerit frater exheredatus, & sic per sonam turpem esse institutam, nullitatis querelam usurpare quidem non poterit, cum *Nou. 115.* nulla ratione ad eos pertineat, bene tamen inofficiosi iudicio experiri. S. STRYCK *Vf. n. mod. h. t. S. 5.* C. MANZIVS *b. c. S. 1. n. 17 - - 18.* G. A. STRVV. *cum not. MULLERI S. I. C. b. t. S. 18.* C. THOMASIVS *in not. ad l. b. t. BERNH. HENR. REINHOLD Difser. ad l. 27. C. de inoff. test. Erf. 1710. hab.* Recedimus hinc quoad hunc passum a

sent.

sententia *supra laud.* *Dn. SCHRÖDERI*, *all. Obs. 40. §. 3.* defendantis, moribus hodiernis, nullo prorsus casu excepto, totam quantam sepultam esse querelam inofficiosi, ut & quoad *forum Prutenicum* ab opinione *Dn. STAVINSKI*, *d. Diff. de exher. Iur. Prut. §. 6.* statuentis, ob silentium Iuris nostri patrii, omnem prorsus querelae inofficiosi usum fratri praeterito esse denegandum. Cum enim 1) communi fere *Dd.* consensu in casibus exhereditationis reliquis omnibus, siue in adscendenti, siue descendantii, linea contingentibus, querela inofficiosi prorsus cesseret, (§. 11.) his tamen non obstantibus querelae huius disertis verbis mentionem iniecerit *Pr. L. R. P. II. L. 3. T. 4. A. 3.* §. 4. fol. 45, facili negotio sequitur, quod, quia nihil frustra eidem insertum esse potest, hic locus ad casum nostrum unicum adhuc restantem applicandus sit, praepri mis, cum 2) de Iure nouiss. ad ductum §. ff. *edicti promulg.* in casibus Iure nostro non decisus primario non ad aequitatem naturalem, sed Ius Ciuile scriptum, recurrentum sit, quod nos, hoc in casu, & quoad Ius nostrum antiquum sectari, eo magis oportebit, cum, 3) eidem aequitatem naturalem non penitus deesse, ipse *Dn. STAVINSKI* expressis largiatur verbis.

§. XIII.

Haec ergo generaliter de exhereditationis materia, prouti communiter tradi solet, dixisse sufficiat. Nec dum tamen omnes materiae nostrae recessus penitus euolutos credimus. Deueniamus adhuc breuibus ad specialiora, & quidem (VIII.) ad testamentum, *in quo legitima qui-*

quidem liberis parentibusue relata, sea absque addito honorabili
institutionis titulo, & iterum quandam inter *Ius Romanum*
antiquum & *nouissimum* deprehendimus intercedere differen-
tiam. Illo enim vigente, nihil intererat, siue iure heredita-
rio, siue iure legati vel fideicommissi, vel si mortis causa ali-
cui quarta donata fuerit, vel inter viuos. §. fin. I. de inoff.
testamento, quod vel ipsa *Nou.* 18. c. 1. pariter concessit.
Ius vero nouissimum, *Nou.* 115. c. 3. pr. conditum, expresse san-
cit, non licere penitus parentibus, liberis suis per quamlibet
donationem, vel legatum, vel fideicommissum, vel alium quem-
cunque modum, dare legibus debitam portionem, idque tam
ob honorem, quam commodum, liberorum, huic titu-
lo cohaerentia. Hoc vero cum parentibus itidem largiri
vbique voluerit *Ius nouum*, identitas sanctionis & quo-
ad hos, uti ex adducta rationis identitate, ita & ex arg.
Nou. 115. c. 4. pr. & §. f. facile patet. Cessabit adeoque
& hoc in casu, cessante non minus forma & quoad hunc
passum d. *Nou.* praescripta, inofficiosi querela, & dicto
heredi legitimo contra eiusmodi testamentum nullitatis
querela dabitur. conf. STRYCK. vs. mod. π. d. t. §. 19. MÜL-
LER ad STRVVIVM b. t. §. 30. lit. (β) (δ) & (ε)
VINNIVS & MANZIVS l. c. ad §. f. I. d. t. Eiusdem
sententiae *Ius nostrum Prutenicum* esse, stabilire quidem
conatus est *Dn.* STAVINSKI all. Diff. de legit. Iur. Prut.
§. 40, sed nullo nisus fundamento; post promulgationem
vero Iuris nostri nouissimi, idem sentire multo minus dubita-
mus, sed non nude tantum id asserere, verum & simul ratio-
nem asserti nostri iterum in §. fin. edicti promulg. fundare
possumus.

§. XIV.

Noli tamen ex adductis concludere , titulo hoc institutionis integrum , quo querela nullitatis elidatur , relinquendam esse legitimam . Sufficit enim ad id , ut testamento tanquam iustum subsistat , si vel minima eiusdem pars hoc titulo ornata fuerit . Sed perges quaerere , quid ergo (IX.) iuris erit , si altera pars legitimae vel institutionis , vel legati , alioue titulo relictæ , altera exheredando ademta fuerit ? Nec tunc refugium in querela inofficiosa quaerendum , cum pinguius prostet remedium , actio nimirum expletoria seu suppletoria , idque tam de Iure Ciuitatis antiquo , iuxta l. 30. pr. & l. 36 pr. C. b. t. , quam nouissimo , secundum d. Nou. 115. c. 5. pr. , nec non Prutenico , prout cognitu facile est ex P. II. L. 3. T. 4 A. 3. §. 4. fol. 45 , conf. STAVINSKI all. Diff. & §. circa quam cum omnes Dd. amice , quantum ad scopum nostrum , conspirare inueniamus , frustraneum censemus laborem , vltiorem eius indagationi impendere operam .

§. XV.

Inquirimus potius (X.) adhuc in illum casum , si exhereditatio , prioribus requisitis omnibus exhibitis , in testamento tamen imperfecto , puta codicillo , donatione mortis causa , aliaue eiusmodi ultima voluntate , facta fuerit , & certo credimus , illi quoque vel ex hoc solo capite nullitatis obuerti posse querelam , tam secundum Ius Ciuitatis , quam etiam Prutenicum , cum non tantum , vbiunque exhereditationis mentio sit , illam in testamento factam esse suppona-

ponatur, verum etiam, in codicillis illam fieri posse, expresse negetur l. 2. C. de Codicill. verb: *Hereditatem quidem neque dari, NE QVE ADIMI, CODICILLIS posse, manifestum est,* & Pr. LR. P. II. L. 5. T. 10. A. 1. §. 1. in fin. fol. 252, verb: *desgleichen auch keine Exheredationes oder Unterbungen darin geschehen mögen.* conf. D. STAVINSKI d. Diff. de exher. Iur. Pr. §. 18. An vero idem de dispositione parentum inter liberos dicendum sit? vna cum eod. Dn. STAVINSKI l. c. §. 19. in suspenso relinquimus, tutius quidem iudicantes, vt quaevis exheredatio in testamento solennificat, ast ob hunc solum defectum vix ac ne vix quidem exheredationem nullitatis incusari posse, existimantes.

§. XVI.

Necum exceptionum satis est. Indicabimus plures adhuc casus exheredationis a querela inofficiosi exemptos, nimirum (XI.) si miles heredem suum legitimum exheredem dixerit. Hoc tam Iure militari, quam ciuili, post Pandectarum & Cod. promulgationem, licitum fuisse, res per se expedita est. l. 8. §. 4. π. de inoff. test. l. 9. C. d. t. Sed vtrum adhuc de Iure Nouellarum subsistat, extra controuersiam nondum positum est. Nos, nullam mutationem adesse, sed Nou. 115. c. 4, tanquam legem generalem, legi huic speciali derogare non posse, verum ad testamentum paganum tantum pertinere, adeoque contra eiusmodi testamentum nihil vel inofficiosi, vel nullitatis, querela effici posse, cum STRVPIO s. I. C. l. c. th. 39. LUDOVICI Doctr. π. d. t. §. 4. STEPHANI nostrate ad I. Diff. 4. Th. 13. firmiter sumus persuasi, licet quoad testamentum

militis iure communi confectum aduersarios habeamus
 STRYCKIVM *vsi. mod. π. b. t.* §. 14, aliosque a *Dn. STEPHANI l.c.* recensitos, imo quoad omnia testamenta militaria VINNIVM *l. c. §. 1. n. 1. in fin.* aliosque. Et quid vetat addere, nec *Ius nostrum Prutenicum* ab hac sententia esse alienum, cum & pro hac opinione argumentum ex eiusdem silentio iterum iure optimo depromere valeamus?

§. XVII.

Sed num idem dicendum erit de exheredatione, (XII.)
in bonis tantum castrenibus vel quasi, non vero a milite testatore, facta? Et credimus, hanc quoque adfirmando solvendam esse quaestionem. Sunt equidem, qui de *Iure antiquo* nec quoad hanc dispositionem idem dicere dubitant *ob l. fin. C. d. t. Iuri vero Nouellarum & quoad hoc punctum totalem inesse volunt mutationem ob generalem sanctionem in Nou. 115. c. 3. & 4. proditam.* Sed his quoque non minus, ac iis, quos paullo ante (§. 16.) refutauimus, eadem obstat ratio: generalem constitutionem non derogare speciali, *l. 3. C. de silentiar. & decur. lib. 12. tit. 16. verb: non praeiudicatura quacunque generalitate pragmatica. c. 1. de confit. in oto.* Nullatenus ergo & hoc in passu de mutatione quadam dicendum erit, nisi quae disertis verbis ratione clericorum testantium prostat in *Nou. 123. c. 19.* quae omnia ob identitatem rationis in *patria* quoque nostra obtinere, iterum dicere non erubescimus. Agnoscimus & hac in parte eosdem rursus duces, quos paullo ante (§. 16.) nominauimus, cui adhuc addimus *Dn. IO. STEIN in Thes. Lauterbachian. Disp. 9. Th. 5.*

§. XVIII.

§. XVIII.

Iisdem ducibus pedem vltterius promouemus ad casum illum (XIII.) *vbi pater, liberis substituendo, matrem praetererit*, in quo cum vices liberorum in testando gesserit, eo ipso quoque matri vel ad inofficiosi, vel nullitatis, querelam contra hoc filiorum nomine conditum testamentum ansam praebuisse, nec hanc illi iure denegandam esse, videri posset. Sed nondum dimittimus priorem sententiam. Querelae enim nec nullitatis, nec inofficiosi, locum hic esse, clara iuris veteris, l. 8. §. 5. π. de inoff. testamento, iure novo non sublata, credere nos iubet decisio, testamentum eiusmodi iuri conforme praedicans. conf. c. 1. inf. de testam. in oto, ut & auctores a nobis supra (§. 16.) allegati. Ignoramus ergo, quid sibi velit petitio legitimae a STRYCKIO l. c. §. 15, STEINIO l. c. atisque matri suppeditata, per conditionem ex Nou. 115. c. 4. iuncta l. vn. π. de condic. ex lege expedienda. Nam & huic consilio obstat ratio in prioribus vtrisque casibus (§. 16. 17.) adducta. Nec metuimus hic censuram eorum incurrere, qui, non legibus, sed rationibus, pugnandum esse, occinunt, cum nec rationibus nos destitutos videamus, sed nitidas acutissimasque huic sanctioni accommodatas legamus in VLR. HVBERI Eunomia Romana ad d. l. 8. §. 5. d. t. Imo nec aliam dispositionem in iure nostro patrio obseruamus, adeoque, & apud nos eidem standum esse, nulli dubitamus.

§. XIX.

Exhibuimus hactenus exheredationis casus, quibus ab initio statim conditi testamenti defectus exprobrari vel

potuit, vel ad minimum voluit. Restat adhuc, pauca de eiusmodi exheredatione addere, quae ex postfacto demum valorem amisit. Offert se ergo (XIV.) casus, si exheredans post factam exheredationem exheredato fuit reconciliatus, & quaeritur, vtrum tunc exheredatus adhuc opus habeat, inofficiosi querelae, alioue, remedio experiri? Huius quaestioneis resolutionem quod attinet, cum omnes in eo conueniant, per reconciliationem exhereditatelli caussam ademptionis, cum eo ipso cesset finis exheredationis, vindicatio nempe iniuriae testatori illatae, arg. l. 4. π. de adim. vel transf. leg: consequens ei erit, testamentum, exheredationem eiusmodi in se continens, expresse vero non reuocatum, dummodo sufficiens exheredato adsit reconciliationis postea superuenientis probatio, nullo alio remedio, nisi nullitatis querela, evanescere. Nulla enim suppetit ratio, quare ideo ad odiosum inofficiosi iudicium illico conuolandum sit, cum voluntatem parentis nolit amplius dicere inofficiosam, sed reconciliatam, (conf. §. 8 -- 11.) ut ergo hallucinari hoc in passu nobis videatur *Ictus Gedan. SAM. FRID. WILLEMBERG* in *Diss. de exheredato exheredanti reconciliato Ged. 1722. hab. §. 14. 15.* Nec *Ius* nostrum Prutenicum aliud desiderare, dummodo reconciliationis expresse facta fuerit, ex *P. II. L. 5. T. 5. A. 1. S. 12. fol. 234.* verbis: so sie aus irgend einer oder mehr obangedeuteter Ursachen darthun können, sich aber hernach mit dem enterbten Kind versöhnen lassen und ihm solche seine Mishandlung NB. ausdrücklich verziehen hätten: alsdann soll die Exheredation und Enterbung auch gefallen seyn, und NB. für nicht gesetzt gehalten wer-

werden, probamus. conf. Dn. STAVINSKI d. Diff. de exher. Iur. Prut. §. vlt.

§. XX.

Aliud vero dicendum (XV.) de eo, qui exheredatus voluntati exheredantis se ipse subiecerit, agnoscendo testamentum, siue expresse, siue tacite, qua agnitione post mortem testatoris ab herede excluso ceteris paribus facta, cessare inofficiosi actionem & nullitatis, per se clarum, cum quilibet fauori pro se introducto possit renunciare, l. 29. C. de pactis, non vero, statim per eandem ademtam quoque esse actionem ad supplementum, credimus. Ast si viuente patre eiusmodi pactionem filius inierit, de Iure quidem Civili nullam fuisse, docet l. 30. C. de pactis, moribus tamen prohibitionem hanc non obtinere, adeoque nec ademtam esse heredi cuius legitimo facultatem, priuilegio suo renuntiandi, ex Pr. LXX. P. II. L. 4. T. 10. A. 4. §. 6. fol. 194. colligimus. Fusius hac de materia commentantem deprehendimus Dn. STAVINSKI Diff. de legit. Iur. Prut. §. 49--52, quorsum ergo breuitatis studio L. B. ablegamus.

§. XXI.

Tandem b. c. D. finis laboris imminet. Sub calcem hinc operis nostri breuibus adhuc (XVI.) occupabimur circa exheredationem, quae bona mente facta esse diuitur, examinando, utrum & ad huius euersionem querela vel inofficiosi, vel nullitatis, prostet? Evidem nos non fugit, qualia & quanta circa hanc materiam Doctores inter per aliquot annorum decursus intercesserint dissidia, aliis eius-

eiudem validitatem , imo praestantiam , tuentibus ac
praedicantibus ; aliis contra , pari eandem passu cum ex-
heredationibus reliquis omnibus ambulare , statuentibus.
Illiū opinionis defensores nominamus STRVVIVM S. I. C.
l. c. §. 37. & VLR. HVBERVM Praelect. ad Inst. h. r. n. 13.
& ad π. d. t. n. 19, cum reliquis Dd. fere omnibus ; hanc apud
nos praeprimis acriter tuiti sunt praelaud. Dn. STAVINS-
KI Diff. de legit. Iur. Prut. §. 45. 46. PHIL. RICH. SCHRÖ-
DER Diff. octo theses ex vniuerso iure quaesitas sistens hab.
Reg. 1715, d. 4. Iunii Th. 1. & ICtus apud nos celeberrimus , Dn.
ZACH. HESSE , I. V. D. & Prof. Ord. Summi Trib. Consil.,
eetera , in peculiari Diff. de exhered. bona mente facta sub eius
Praefidio hic 1717. hab. Nos , horum non minus , ac illo-
rum , perquirentes rationes , quoad maximam partem ,
quod pace Tantorum Virorum dictum sit , vtrinque ver-
ba captari , & vocabulis ludi , obseruamus , nec , casum
vllum , nisi rarissime , contingere , credimus , cui vera ac
genuina exheredationis notio applicanda , simulque , ean-
dem bona mente factam esse , dicendum sit. Interea
quod si forte contigerit , priori tamen sententiae subscri-
beremus , elegantibus non minus acutissimi HVBERI ducti
meditationibus , ac expressis legum ciuilium sanctionibus,
l. 18. π. de lib. & posth. her. instiit. & exher. l. 25. C. de inoff.
test. l. 16. §. 2. π. de curat. furios. & al. extra min. dandis ,
quamuis expresse circa singulos casus cauendum sit , ne
sub bonae mentis praefidio mala , imo pessima , aliis praet-
iudicium studio inferendi , testatoris lateat intentio. Haec
vero vbi abunde elisa fuerit , nec nostris temporibus , nisi
ad ductum adductarum legum , in iudiciis pronuntiandum
esse

esse, remur, cum nec in *Nouellis*, nec *Iure nostro Prut.* vel
vnicus adsit *textus*, priorum legum auctoritatem euer-
tens, & argumentatio in d. *Diss. sub praesidio Dn. HESSE*
hab. §. 22, ad confundendum *Doctiss. HVBERVM*, ducta,
nostro quidem iudicio, infelici plane ausu succedat. Tan-
tum enim abest, vt *HVBERS* in adductis verbis *textus*
paullo ante allegatos, exheredationem bona mente fa-
ctam defendentes, inter exceptiones *Nou. 115.* referat, cum
per se notum sit, exceptionem ante regulam nequaquam
esse posse; vt potius, *Nou. 115.* alteram exheredationis spe-
ciera, nimirum *mala mente factam*, (vt ita loquamur)
dictis LL. vero rursus alteram, sc. *bona mente factam*, per-
stringi, adducta phrasí innuat, adeoque sarta tectaque ma-
neat *bona mente facta exhereditatio*, & nec nullitatis, nec in-
officiosi, iudicio possit euanescere.

§. XXII.

Hactenus adducta iam sufficere credimus corroboran-
dæ thesi, quam nobis ventilandam sumsimus. Cum
enim ex praecedentibus B. L. iam innotuerit, in foro Pru-
tenico exheredationem parentum liberorumue non nisi nul-
litatis iudicio infringendam, (§. 6. 7. 8. 9. 10. & 11.) fra-
tres vero solum ad inofficiosi querelam admitti, (§. 12.)
nec hoc, nisi rarissime, contingere, tam ob conditionem,
sine qua non de inofficio testamento conqueri iisdem li-
cet, rarissime euenientem, quam etiam, quod admodum
difficilis determinatu sit persona, cui secundum normam
legum ciuilium praedicatum turpis personae addendum
sit, imo & siquli exheredationis casus, qui vnquam

contingere poterunt, vel pinguiori remedio labefactari possint, (§. 13. 14. 15. 19.) vel tanta firmitate gaudent, vt nullatenus eueri queant (§. 16. 17. 18. 20. 21.); nostro quidem iudicio vltiori probatione non amplius indigebit thesis probanda:

QVERELAE
INOFFICIOSI TESTAMENTI
IN
FORO PRVTENICO
DARI VSVM
ADMODVM EXIGVVM.

S. D. G.